

四庫全書

子部

欽定四庫全書

子部
證治準繩卷八十九

詳校官太醫院吏目臣朱桂

編修臣倉聖脈覆勘

總校官進士臣朱鈐

校對官助教臣羅萬選

謄錄監生臣姚培燮

欽定四庫全書

證治準繩卷八十九

明 王肯堂 撰

幼科

脾臟門

脾

錢脾主困 實則困睡身熱飲水 虛則吐瀉生風
脾病困睡泄瀉不思飲食 脾胃虛寒則面眇白目無

精光口鼻氣冷肌體瘦弱吐水腹痛不思乳食用益黃散下利用調中丸 傷風手足冷者脾臟怯也先用益黃散補脾後用大青膏發散 脾病見四季皆放餘四臟治之順者易治逆者難治 脾法當面赤目黃五臟相返隨證治之 潔脾主濕自病則泄瀉多睡體重昏倦脾苦濕急食苦以燥之 實則泄瀉赤黃睡不露睛瀉黃散主之 虛則泄瀉色白睡露睛白朮散主之 肝乘脾賊邪風瀉而嘔茯苓半夏湯主之 心乘脾虛

邪壯熱體重而瀉，羌活黃芩蒼朮甘草湯主之。肺乘脾實，邪能食不大便而嘔吐，嗽煎檳榔大黃湯下。葶藶丸。腎乘脾微，邪惡寒泄瀉，理中丸之類主之。劉凡脾之得病，必察肝心兩臟之虛實，根其源之所起，然後救療。蓋肝是脾之鬼，心是脾之母，肝氣盛則鬼勝，心氣虧則脾家生氣不足。盛者抑之，則退虧者益之，不貲所以有抑脾氣益心氣兩藥。診其脉，肝心兩臟俱和，則是脾自生疾，察其虛實而治之。薛前證實者，病氣實而

形氣虛也若面色晄白吐瀉腹痛口鼻氣冷屬寒水侮土宜用益黃散若面青唇黯吐瀉手足並冷此脾土虛寒用乾薑理中湯若面色痿黃手足不冷此脾土虛弱用人參理中湯若傷風手足並冷吐痰咳嗽吐瀉腹脹此脾肺氣虛用五味異功散實脾氣加防風升麻散外邪若發於寅卯之時用六君柴胡升麻補脾土平肝木然面黃者脾之本色也面赤者火生土為順面青者木剋土為逆當平其所勝以補元氣為善 海脾苦濕急

食苦以燥之白朮 脾欲緩急食甘以緩之甘草 以

甘補之人參 以苦瀉之黃連 脾虛以甘草大棗之

類補之如無他證以錢氏益黃散補之虛則補其母心
乃脾之母以炒鹽補心

益黃散

錢氏

又名補脾散

治脾胃虛寒

陳橘皮

一兩

青橘皮

訶子肉

甘草

各半兩
剉炒

丁香

二錢

右為細末每服二錢水一盞前至六分食前溫服東

垣云間孝忠編集錢氏方以益黃散補土又言風旺

必尅脾土當先實其脾味者不審脾中寒熱一例用
補脾藥又不審藥中有丁香青皮辛熱大瀉肺金脾
虛之證豈可反瀉其子為寒水反來侮土中寒嘔吐
腹痛瀉痢青白口鼻中氣冷益黃散神治之藥也如
因服熱藥巴豆之類過劑損其脾胃或因暑天傷熱
積熱損其脾胃而成吐瀉口鼻中氣熱而成慢驚者
不可服之今立一方治胃中風熱名人參安胃散

薛氏云脾土虛寒寒水侮之如東垣所云諸證宜用

此方若因脾土虛弱吐瀉者用六君子湯加柴胡如不應或手足俱冷屬虛寒也更加木香炮薑若因乳母脾虛肝侮必治以前藥若乳母鬱怒致兒患前證母服加味歸脾湯

人參安胃散

治脾胃虛熱

黃耆

二錢

人參

陳皮

去白

各一錢

生甘草炙甘草

各半錢

白芍藥

七分

白茯苓

四分

黃

連少許

右為粗末每服二三錢水煎五沸去滓溫服

四君子湯

六君子湯

二方見吐瀉

海脾實以枳實瀉之如無他證以錢氏瀉黃散瀉之實

則瀉其子肺乃脾之子以桑白皮瀉肺

瀉黃散

錢氏

又名瀉脾散

藿香葉

七錢

山梔子仁

一兩

石

膏

半兩

甘草

三兩

防風

四兩

去

切焙

右剉同蜜酒微炒香為細末每服一錢至二錢水一

盞煎至五分溫服清汁無時

薛前證若作渴飲冷卧不露睛手足熱甚或遍身發

黃屬胃經實熱宜用瀉黃散若作渴飲湯卧而露睛
手足並冷屬胃經虛熱宜用異功散若面色搐搦乳
食少思肝乘脾也用秘旨補脾湯若面赤驚悸身熱
昏睡心乘脾也用秘旨安神丸若面白喘嗽肢體倦
怠肺乘脾也用補中益氣湯若唇黑泄瀉手足指冷
腎乘脾也用益黃散病後津液不足口乾作渴宜用
七味白朮散若乳母膏梁厚味七情鬱火所致當審
其因而治其母

不乳食

薛經曰胃為水穀之海六腑之大源也人身氣血腑臟俱由胃氣而生故東垣之法一以脾胃為主所胃補腎不若補脾正此意也在小兒雖得乳食水穀之氣未全尤仗胃氣胃氣一虛則四臟俱失所養矣故丹溪謂小兒多肝脾之疾也若面色晄白目無睛光口中氣冷不食吐水肌瘦腹痛此胃氣虛寒之證用五味異功散或六君子湯主之若大便不實兼脾虛也加乾薑溫之中

滿不利脾不運也加木香開之喜冷便秘胃實熱也用
瀉黃散涼之命門火衰不能生土者用八味丸補之稟
賦胃氣不足亦用此丸蓋下真陽充盛則土生脾元
自能溫蒸水穀矣

半胃散 治脾胃不和不思飲食心腹脹痛口苦短氣
惡心噯氣吞酸面黃體瘦嗜卧體痛霍亂吐瀉等證

厚朴

薑汁
五兩

陳皮

甘草

炙各
一兩

蒼朮

米泔浸
焙八兩

右為末每服二錢薑棗水煎沸湯點服亦得常服調

氣煖胃化宿食消痰飲辟四時不正之氣

愚按前證若乳食停滯嘔腐吞酸嘔噦惡心者宜服是方若飲食既消脾胃虛弱嘔吐惡心者則宜四君子湯

調中丸

治脾胃虛寒

白朮

人參

甘草

炙各五分

八味地黄丸即六味地黄丸加肉桂附子各一兩治稟賦命門火衰不能生土以致脾土虛寒或飲食少思及食而不化腹臍疼痛夜多漩溺等證內經謂益火

之源以消陰翳正此藥也

錢氏益黃散

一名補脾散

治脾胃虛冷吐瀉

方見前

愚按前方若脾土虛寒或寒水侮土而嘔吐泄瀉手足並冷或痰涎上湧睡而露睛不思乳食者宜用此方若脾土虛弱吐瀉者用六君柴胡如不應或手足俱冷者屬虛寒加木香炮薑若因乳母脾虛肝侮亦治以前藥若乳母鬱怒致兒患前症者其母兼服加

味歸脾湯

參苓白朮蓮肉主脾胃虛弱飲食不進多因少氣中
滿痞噫嘔吐逆此藥不寒不熱性味和平常服調脾
悅色順正去邪

人參

去
芦

白茯苓

去
皮

粉草

白朮

白扁豆

炒
去
殼

山

藥

去
黑
皮

縮砂仁

薏苡仁

桔梗

剉
炒
各
一
兩

蓮子肉

去
心

右剉焙為末每服半錢至一錢用棗湯空心調服或
溫米湯亦可

健脾飲 健脾養胃理嘔吐治瀉痢及諸病後氣色虛

弱有痰惡心腹中微痛飲食減精神慢並宜服之

厚朴

去麁皮剉碎薑汁浸一宿慢火炒乾再入醇醋焯透仍以慢火炒

人參

去芦各一

兩

白茯苓

去皮

肉豆蔻

半夏

湯煮透濾仍剉焙乾

益智仁

淨香附

良薑

剉片東壁土炒

訶子肉

各二錢半

甘草

炙五錢

右剉每服二錢水一盞薑二片棗一枚煎七分無時服

藿香飲 理虛化痰及治脾胃不和飲食少進正氣除

邪人參半夏

去芦

湯煮透濾

對片焙乾

赤茯苓

去皮

甘草

炙各一兩

蒼

朮

去麤皮米泔水浸一宿濾乾對片用火炒全微黃色二兩

陳皮

去白

藿香

去梗各七

錢半

厚朴

去粗皮製一兩半

右件咬咀每服二錢水一盞薑二片棗一枚煎至七

分空心溫服或入燒鹽同煎

治小兒脾胃虛弱飲食少進

用人參白朮茯苓甘草等分為末每服一錢鹽湯點

服一方加陳皮縮砂

治胃虛氣逆吮乳不食

用人參一錢丁香藿香葉各半錢水半錢煎熟入乳
汁少許煎服

治胃弱吐逆手足心熱不進乳食

用陳紅麴三錢半白朮一錢半麩炒甘草炙壹錢為
末每服半錢棗湯米飲下

治脾胃不和嘔吐惡心乳食不進

用厚朴薑製一錢白朮半錢乾薑炮甘草炙各三分

水一盞薑二片煎空心熱服

治宿食傷脾消食快膈

用縮砂仁椴皮三稜莪朮神麩麥蘖各半兩香附子
一兩各炒為末麩糊丸如麻子大食後白湯下隨大
小加減丸數

茅先生勻氣散

桔梗

五兩

甘草

炙二兩

白薑

一分

縮砂仁

陳橘皮

茴

香

洗各
一兩

為末半錢或一錢霜木瓜煎湯調服紫蘇鹽湯亦得

實童多厚朴蒼木良

薑桂烏梅名養脾湯

調理衆病醒脾散 木香 白木 並濕紙 人參 茯苓

草菓子 甘草 炙 陳橘皮 厚朴 綱砂水者 紫蘇子

右等分為末一錢水六分薑一片棗半箇煎四分通

口服

建脾散 治小兒胃氣 白茯苓 去皮 人參 各一兩 厚朴 三兩

用薑汁炙 蒼木 米泔浸一宿四兩 陳橘皮 去白 甘草 二兩半 草 生半熟

菓子

去皮
二兩

右件為末每服一錢薑棗同煎隨大小分減服

調中飲子 治小兒諸疾 肉豆蔻 白朮炮 人參

陳橘皮

去
白

訶子

炮去
核

茴香

甘草

炙

縮砂仁

各半
兩

藿香

桂心

檳榔

各二
錢

右為末每服半錢一錢用薑棗煎水隨兒大小五分

四分煎通口服

寶童壯脾去積進食

京三稜

蓬莪茂

醋紙
裹煨

益智

去皮各
四兩 甘草 炙四兩
陳皮 青皮 各二兩

右為末湯點一錢不時服薑棗煎亦得

治患後脾胃虛弱煩熱恍惚睡中多驚氣急煩亂溫養

脾胃消進如食勻氣清神調和臟腑神未散

白朮 人參 茯苓 石蓮肉去心 鷲粟米 白扁

豆 藿香 甘草炙

等分細末半小錢棗湯調空心日午服漢東觀音散少白朮粟米

多神麪白芷
木香黃耆

聖惠治脾胃不和見食欲嘔心胸壅悶前胡散

前胡

蘆根

各三分

桂心

一分

人參

白朮

赤茯苓

枇杷葉

去毛炙

甘草

炙

厚朴

薑炙各半兩

麤羅

一錢

水一小盞薑少許煎五分不時量溫服

張渙集香煎

治脾胃虛不欲食羸瘦

藿香葉

厚

朴薑

製丁香

沉香

木香

各一兩

白茯苓

白荳蔻

白朮

炮各半兩

右為細末入麝香一錢水一升蜜半斤大棗三十枚

薑二十片銀石器中慢火熬成膏去薑棗通風處陰
乾每皂子大乳前米飲下

調中散 治小兒冷熱不調致脾胃不和 木香對人

參

去蘆頭

青橘皮

湯浸去白焙乾各一兩

丁香

白朮

白茯苓

苓 大腹皮對甘草

右件搗羅為細末每服一錢水一小盞入生薑三片
煎五分去滓溫服

益胃丹 調冷熱和脾胃 當歸洗焙 木香 白朮

沉香各一兩 白芍藥 人參去蘆頭 蓬莪茂 縮砂仁

各半兩

右件搗羅為細末白麩糊和如黍米大每服十粒至十五粒點麝香湯下量兒大小加減

丁香黃耆散 治小兒脾胃虛弱不能飲食已漸傷損

柴衛致令肌體羸瘦時時下痢面色青白 丁香

綿黃耆剉 人參去蘆頭 白朮 當歸洗焙乾 鱉甲塗酥炙黃

去裙攔 胡黃連 甘草炙各半兩

各一兩

右件搗羅為細末每服一錢水一盞入生薑二片棗
二枚同煎至五分去滓溫服食前

千金地黄丸 治胃氣不調不嗜食生肌肉 乾地黄

大黃

各兩
六銖

茯苓

十八
銖

杏仁

柴胡

當歸

各半
兩

右為末蜜丸如麻子大每服五丸日三

嬰孺治三七歲兒不食或嘔或頭熱或下利或渴或手

脚熱有時冷每日一劑便能食 鱉甲一兩 當歸 甘

草 炙升麻

各二錢半
椒五十粒
汗

右切水一升煮八合為三服相去人行六七里再服
覺身上潤衣蓋取汗微汗勿深

脾弱多困

丹溪云脾具坤靜之德而有乾健之運夫胃陽也主氣
脾陰也主血胃司納受脾司運化一納一運化生精氣
清氣上升糟粕下降納五穀化津液其清者為榮濁者
為衛陰陽得此謂之橐籥故東垣以脾胃為五臟之根本
也脾氣既弱則健運之令不能化生之功已失職而嗜

卧多困所由生焉法當溫補其脾胃氣既旺則臟腑清
陽之氣升舉易於運行又何困倦之有海藏用四君子
加木香砂仁半夏白朮倍之薑棗煎服誠良法也若脾
虛好睡多驚則是心血虛而火動之宜安神養血若因
心脾氣虛有痰者宜用人參五味子茯苓以補心氣當
歸芍藥酸棗仁以養心血橘紅半夏以開痰若因脾肺
氣虛胸膈有痰用補中益氣湯以健脾胃膽星天竺丸
痰涎以化痰涎若因飲食停滯而作用四君子湯以益脾

土山查神麴以消飲食若因脾虛而好睡用五味異功

散

吐瀉

以補脾氣當歸芍藥以生脾血芍藥須用酒拌炒

黃不則酸寒傷脾此假熱以對假寒也若乳母飲酒致

兒昏醉好睡者以乾薑陳皮煎湯解之不應用異功散加

乾薑即愈矣海藏脾胃不和四君子加白木一倍薑棗

煎 脾困四君子加木香砂仁人參各半錢煎 脾胃

虛弱生氣多困四君子加炒半夏麴沒石子等分為末

入冬瓜子少許同煎

本治脾風多困用人參散入慢驚參用 人參 冬瓜

仁

各半兩

南星

切片用漿水薑汁煮存性一兩

右為細末每一錢水一盞煎二三分溫服

痰涎

聖惠兒多涎者風熱壅脾積聚成涎即乳食不下涎沫結實而生壯熱 小兒多涎由脾氣不足不能四布津液而成若不治其本益中氣而徒去其痰涎痰涎雖病液亦元氣所附去之不已遂成虛脫余見驚搐壯熱等

證醫以下痰小見功效屢下之而致夭亡者屢矣

錢氏治朱監簿子五歲夜發熱曉如故醫以鐵粉丸下

涎病益甚至五日大引飲錢取白朮散一兩煎三升

瘧渴

任意服朱疑其瀉錢曰縱瀉勿恠但不可下耳止瀉治

痰退熱清神皆此藥也又煎三升服稍盡愈第三日又

服三升不渴無涎投阿膠散喘二服安

半夏丸 治痰證若驚搐後風涎潮作服之神效

半夏

生用
二兩

赤茯苓

去
皮

枳殼

製各
一兩

風化朴硝

二錢
半

錢

右前三味剉焙為末入乳鉢同朴硝杵勻用生薑自然汁煮糯米粉為丸菜豆大每服三十九至五十九仍以淡薑湯食後臨睡送下兒小煮丸如粟穀大

白附丸 通治小兒咳嗽有痰感冒發熱吐瀉心神不

安神効

南星

二兩

半夏

白附子

白礬

各一兩

右為細末薑汁糊丸如桐子大一歲兒服八九用薄

荷湯化下

南星半夏用冬藏雪水於六月六日浸起曬乾又浸凡九次方用

膽星天竺丸

治小兒痰涎上壅喘嗽不休

牛膽南

星一兩半夏

湯泡去皮
臍薑汁製

白附子

湯泡去皮
臍各五錢

天竺黃

三錢

天麻

防風

各二錢

辰砂

一錢另
研水飛

右為末甘草膏為丸芡實大每服一九空心薄荷淡

薑湯化下

牛蒡子散

治小兒心脾壅熱多涎

牛蒡子

梔子

仁

甘草

川硝

鬱金

各半兩

枳殼

一分麩炒
微黃去

右件藥搗細羅為散入龍腦半錢同研令勻不計時

候用薄荷水調下半錢量兒大小加減服之

萬全鬱金散

治小兒風熱鎮心壓涎

鬱金

一兩用
皂角二

托按水一椀以來慢煮
鬱金令乾用水淨洗對

天竺黃

馬牙硝

甘草

灸各
半兩

朱砂

一分
研

龍腦

一錢
研

右件藥搗羅為末都研令勻每服半錢用麥門冬熟
水調下量兒大小以意加減服

小朱砂丸 治小兒眠睡多驚化風壅痰涎安神 朱

砂一兩
別研

天南星

牛膽內
製者

人參

茯苓

珍珠

研半

夏

生薑半兩同以水煮一二百
沸取出焙乾各秤末半兩

龍腦

麝香

各少
許

右件同研勻以水浸蒸餅為丸如黍米大每服四五
丸不計時候煎金銀湯下

張渙治小兒多涎乳食不下涎不流出者乃名脾熱多

涎宜金朱丹

朱砂

細研水飛

半夏

湯浸七遍

牛膽南星

各一兩

白

茯苓

半兩三味為末

石膏

半兩細研水飛

金箔

二十片研

右件都拌勻再細研用生薑自然汁和如黍米大每
服十粒煎人參湯下乳後

譚氏金珠丸

治小兒驚悸心忪化涎痰利胸膈煩熱

止欬嗽

天南星

炮

白礬

煨

半夏

湯浸
七錢

朱砂

研細
半兩

各

人參

乾山藥

各一錢

膩粉

二錢

金箔

十片

右為細末薄荷汁同水打糊為丸如菜豆大金箔為衣每服一丸食後生薑湯下量力服

半夏丸

治小兒脾熱乳食不下胸膈多涎

半夏

半分生薑湯
洗七遍去滑

皂角子仁

半兩

右件藥搗羅為末用生薑汁和丸如麻子大不計時候以溫酒下三丸隨兒大小以意加減

劉氏消乳痰丸

此方出禁中小兒無疾亦宜常服

大半夏

半兩切作頭子大用蘿蔔一箇亦切作頭子大用水一椀煮水盡為度不用蘿蔔

人參

二錢半取末二錢

右二味焙乾同為細末生薑自然汁煮糊為丸如菴豆大每服二十九或三十九生薑湯下食後服看兒

大小加減

吐瀉

曾小兒吐瀉併作即名霍亂有心痛而先吐者有腹痛

而先瀉者莫不由中焦而作上焦主納而不出中焦主腐化水穀而生榮衛灌溉百骸下焦分別水穀主出而不納脾居中州胃為水穀之海乳哺入胃脾能尅化然後水穀分臍上一寸傳變得宜豈有吐瀉之患凡小兒吐瀉皆因六氣未完六淫易侵兼以調護失宜乳食不節遂使脾胃虛弱清濁相干蘊作而然有先瀉而後吐者乃脾胃虛冷其候先瀉白水吐亦不多口氣緩而神色慢額前有汗六脉沉濡此為冷也先吐而後瀉者乃

有分水穴

脾胃有熱氣促唇紅吐來面赤脉紅而數渴飲水漿此
為熱也冷熱之分要須詳審 妻吐瀉昏睡露睛者胃
虛熱錢氏白朮散和中散主之 吐瀉昏睡不露睛者
胃實熱錢氏玉露散河間益元散主之 薛手足指冷
者脾氣虛寒也用異功散加木香 傷風吐瀉者風木
尅脾土也亦用前藥 若飲熱乳而瀉黃者濕熱壅滯
也用四苓散如不瘳或反甚者元氣復傷也用白朮散
瀉而腹中重墜者脾氣下陷也用補中益氣湯 若

服尅滯之劑而腹中窄狹者脾氣虛痞也用六君子湯
若面黃瀉青脾虛而肝乘之也用六君柴胡升麻木
香 若多噫瀉黃心脾氣虛也用六君炮薑升麻 生
下半月旬日內吐者止宜調治其母恐嬰兒臟腑脆弱
不勝藥餌故也

夏秋治裏錢小兒初生三日內吐瀉壯熱不思乳食大
便乳食不消或白色是傷寒當下之併和胃下用白餅
子 癖 和胃用益黃散

脾。主之。

兒生三日已上至十日吐瀉

身溫涼不思乳食大便青白色乳食不消此上實下虛也更有五藏兼見證 肺睡露睛喘氣 心驚悸飲水

脾困倦饒睡 肝呵欠煩悶 腎不語畏明 當先

視兒兼藏證先瀉其所實者而補其虛如脾虛益黃散主之此二證多病於秋夏也

五月夏至後吐瀉身壯熱者此熱也蓋小兒藏府十分中九分熱也或因傷熱乳食不消瀉深黃色玉露散主之

玉露散方

一名甘露散

寒水石

半兩軟而微青黑中有細紋者

生甘草

一錢石膏

半兩堅白而有墻壁手不可析者如無以方解石代之堅白似石膏敲之段段皆方

是者

右同為細末每服一字或五分一錢食後溫

湯調下

海藏云非腎熱相火盛者不宜服此

六月大暑後吐瀉身大溫而似熱臟腑中六分熱四分冷也嘔吐乳食不消瀉黃白色似渴或食乳或不食乳食前少服益黃散食後多服玉露散 廣親宮五太尉病吐瀉不止米穀不化衆醫用溫藥一日而加喘吐不

定錢氏曰當以涼藥治之所以然者謂傷熱在內也用石膏湯三服并服之衆醫皆言吐瀉多而米穀又不化當補脾何以用涼藥王信衆醫皆用補脾丁香散三服錢醫後至曰不可服此三日後必腹滿身熱飲水吐逆三日外果如所言所以然者謂六月熱甚伏入腹中而令引飲熱傷脾胃即大吐瀉也醫又行溫藥使上焦亦熱故喘而引飲三日當甚衆師不能治復召錢至見其熱證以白虎湯發熱三服更以白餅子下之一日減藥二

分二日三日又與白虎湯各二服四日用石膏湯一服
及旋合麥門冬黃芩腦子牛黃天竺黃茯苓以硃砂為
衣服五九竹葉湯化下熱退而安

七月立秋後吐瀉身溫藏府中三分熱七分冷也不能
食乳多似睡悶亂哽氣長出氣睡露睛唇白多噦欲大
便不渴食前多服益黃散食後少服玉露散 廣親宮
七太尉七歲病吐瀉是時七月其證全不食而昏睡睡
覺而悶亂哽氣乾嘔大便或有或無不渴衆醫作驚治

之疑睡故也錢曰先補脾後退熱與史君子丸疴補脾
石膏湯退熱次日又以水銀硫黃末研和以薑水調下
一字錢曰凡吐瀉五月內九分下而一分補八月內九
分補而一分下此者是脾虛瀉醫妄治之至於虛損下
之即死即當補脾若以史君子丸恐緩已又留溫胃益
脾藥治之醫者李生曰何食而噦錢曰脾虛津少即嘔
逆曰何瀉青褐水曰腸胃至虛冷極故也錢治而愈
八月秋分後吐瀉身冷無陽也不能食乳乾嘔噦瀉青

褐水當補脾益黃散主之不可下也

田凡小兒盛暑吐瀉邪熱在下焦則瀉在上焦則吐亡
津必渴用玉露散雖吐時時與啜之過三日必愈如

身熱脉大小便黃用五苓益元各半熱湯調溫服之

如身涼脉細小便青早晨益黃散午後玉露散如過

四五日困弱宜異功散和中散開胃丸潔如有風而

瀉用防風羌活謂吐瀉兼肝病風搖拘急也

有熱而瀉用黃連黃

芩大黃謂吐瀉兼心病身熱也

有寒而瀉用附子謂吐瀉兼腎病身冷或足

脛寒而逆也

有濕而瀉用白朮茯苓

謂吐瀉兼本藏脾病多睡体重昏倦也

有肺病而瀉用芍藥桂心定喘麥冬人參甚者多檳

榔大便不通加大黃

謂吐瀉兼肺病喘軟也

更詳看病新舊新

則止之久則有腸風之患宜推陳致新法當宣風散

痘發

熱導過後用入藏君臣藥調之宜益黃散

曾有小兒盛夏初秋遇夜乘風渴而飲水過餐生冷果
物攻激腸胃遂乃暴吐暴瀉傳作手足俱痺筋攣而痛
痛則神志不寧以驚證治之誤矣所謂筋遇寒則引縮

又以陽明養宗筋屬胃與大腸因內傷生冷飲食外感風邪吐瀉交作胃氣因虛不能養其宗筋亦致攣急此證口氣溫面色慘脉沉緩再以手按兩膝腕下見筋縮而引於皮間是其侯也治以理中湯加附子半生半炮水薑熟煎空心溫服更詳虛實冷熱為治可也 有數歲小兒忽患吐瀉始自夏秋晝近極熱之地解衣乘涼夜卧當風之所致蓋先感熱後感冷陰陽相搏氣射中焦名為霍亂活人書用香薷散調治以其能分別水穀

升降陰陽又曰熱多欲飲水者五苓散寒多不飲水者
理中丸詳此治法得非欲平中焦乎 薛凡暑令吐瀉
手足指熱作渴飲冷者屬陽證宜清涼之劑手足指冷
作渴飲熱者屬陰證宜溫補之劑凡病屬陰證誤用寒
涼者死則手足青黯或徧身皆然

香薷飲 治夏秋臟腑冷熱不調飲食不節吐痢心腹

疼痛發熱

煩悶

香薷

三兩

白扁豆

厚朴

各一兩半

生甘草

二兩

右剉每服二錢水一盞煎服

車前子散 治暑月霍亂吐瀉煩悶引飲不止小便不

利 白茯苓 豬苓 香薷 車前子 炒 人參 各等分

右為末燈心湯調下

不換金正氣散 治脾胃不和寒熱往來臟腑虛熱霍

亂吐瀉 厚朴 薑製 藿香 陳皮 半夏 蒼朮 米泔浸

甘草 炙各等分

右每服二三錢薑棗水煎服

二順散 治中暑霍亂吐瀉煩悶燥渴小便赤澀便血

吐痰 豬苓 澤瀉 茯苓 白朮 甘草 灸官桂

乾薑 杏仁 各一兩去皮 尖雙仁炒

右為末每服半錢不拘時水調下或水煎服

六和湯 治心脾不和氣不升降霍亂吐瀉咳嗽胸滿

頭目疼痛嗜卧倦怠并陰陽不分冒暑伏熱煩悶成

痢中酒作渴心逆畏食 人參 去蘆 縮砂仁 甘草

炙杏仁 炮去尖 半夏 湯煮透剉焙 白扁豆 炒熟剉去殼一斤碎

切爛杵拌勻釀 藿香 赤茯苓 去皮 木瓜 各二兩 香薷 經一宿焙乾

厚朴

去麁皮薑製慢火焙乾各四兩

右每服二錢水一盞薑二片棗一枚煎七分無時溫服或入鹽半字同煎

冬春治表錢傷寒吐瀉身溫乍涼乍熱睡多氣麁大便黃白色嘔吐乳食不消時咳嗽更有五臟兼見證當煎入臟君臣藥先服大青膏後服益黃散如先會下或無下證慎不可下此乃脾肺受寒不能入脾也

潔古云身溫吐瀉咳

嗽是風木入於脾母虛其子亦弱法當煎檳榔並蔻湯下大青膏後服益黃散

傷風吐瀉身熱多睡能食乳飲水不止吐痰大便黃水

此為胃虛熱渴吐瀉也當生胃中津液以止其渴止後

用發散藥止渴多服白朮散發散大青膏主之

潔古云吐瀉身

熱而渴小便少者五苓散主之身熱而嘔者當服白朮散後煎栝柳木香湯下大青膏

傷風吐瀉身涼吐沫瀉青白色悶亂不渴哽氣長出氣

睡露睛此傷風荏苒輕怯因成吐瀉當補脾後發散補

脾益黃散發散大青膏主之此二證多病於春冬也

潔古

云身涼吐瀉不渴者則知為寒煎附子桂枝湯下大青膏

大青膏

天麻末

一分

白附子

赤生一錢半

蝎尾

去毒生錢半

朱砂

研一

青黛

一錢研

麝香

一字七

烏蛇稍肉

酒浸焙乾取末半錢

天

竺黃

一字七研

右同再研細生蜜和成膏每服半皂子大至一皂子
大月中免粳米大同牛黃膏溫薄荷水化一處服之
五歲已上同甘露散服之

小兒傷於風冷病吐瀉醫謂脾虛以溫補之不已復以
涼藥治之又不能散謂之本傷風醫者亂攻之因脾氣

積虛內不能散外不能解至十餘日其證多睡露睛身
溫風在脾胃故大便不聚而為瀉當去脾間風風退則
痢止宣風散主之後用四君子丸補其胃亦有諸吐痢
久不瘥者則脾虛生風而成慢驚矣

海吐瀉過多脾胃虛乏欲生風侯者四君子加白附子
減半生薑煎服

守胃散 治陰陽不和吐瀉不止預防風證常調脾胃

進飲食

人參

去芦

白朮

白茯苓

去皮

山藥

去黑皮

乾葛

扁豆炒去殼 南星剉碎瓦器盛東壁土同醋煮少時憶乾切片焙 甘草

藿香去梗 防風去芦 天麻各半兩

右剉每服二錢水一鍾薑二片冬瓜子仁五十粒搗

碎煎七分空心溫服如瀉不止入沉香白豆蔻同煎

鈎藤飲 治吐利脾胃氣虛生風 鈎藤鈎二錢 蟬殼

天麻 防風 蝎尾去毒 人參各半兩 麻黃 殭蠶炒

甘草炙 川芎各二錢五分 麝香五分

右為末水煎服虛寒加附子一錢

身熱瀉黃多渴為熱宜涼劑曾氏云先吐而後瀉者乃脾胃有熱氣促唇紅吐來面赤脉洪而數渴飲水漿此為熱也錢氏以吐瀉身熱瀉黃多渴作熱病治在夏秋用玉露散益黃散相間服在春冬用白朮散大青膏相間服

錢氏玉露散

方見前

李剛中治夏秋吐瀉 好黃連一兩入號丹一兩炒丹焦為細末麩糊丸如芥子服三二十粒壁土薑湯吞

更量數服不妨

丹溪治小兒周歲吐乳腹瀉 白朮 滑石末 乾

錢各三

薑 陳皮 甘草

錢一

炙各五分

右為麤末煎服

肢冷瀉青不渴為寒宜溫藥曾氏云先瀉而後吐者乃脾胃虛冷其候先瀉白水或白凍吐亦不多口氣緩而神色慢額前有汗六脉沉濡此為冷也錢氏以吐瀉身涼瀉青不渴作寒病在秋以益黃散主之在春冬以益

黃散大青膏相間服

海吐利四肢脹逆腦門低陷四君子加藿香丁香芍藥

等分煎服

錢氏益黃散

見脾

萬安膏

見吐

世和胃丸 治吐瀉不止欲生慢驚 丁香 白木

各一

兩

半夏

五錢

藿香

蝎尾

各一錢

右為末薑汁打糊為丸如小豆大三歲兒三十九薑

湯下

理中湯 主溫脾煖胃冷吐冷瀉及胎氣虛中寒腹痛

人參

去芦

白朮

各一兩

乾薑

炮

粉草

炙各二錢半

右件剉焙為末每服半錢或一錢用溫白湯空心調服

理中丸 治吐利不止米穀不化手足厥冷 人參

白朮

乾薑

甘草

炙各等分

右為末麩糊為丸棗豆大每服十九米飲下或一二

十九不拘時候

金液丹 治吐利日久脾胃虛損手足厥冷精神昏塞

多睡露睛口鼻氣涼欲成慢驚風又治大人陽虛陰

盛身冷脉微自汗吐利小便不禁 舶上硫黃十兩

煉去砂石 研為末用砂盆子盛令八分滿水和

赤石脂鹽泥固封曬乾露地先埋一水確盛水滿

坐盆子在上又以泥固濟訖常以三斤火

養三日三夜足加頂火一斤煨成冷取藥

右以柳木槌乳鉢研為末每服二錢生薑米飲調下

多服取效大人藥末一兩蒸餅一兩水浸去水餅和

丸桐子大曬乾每服五十九至百丸米飲空心下

閻氏云吐瀉虛極當速生胃氣宜與理中丸併研金液丹末煎生薑米飲調灌之惟多服乃效俟胃氣已生手足漸熱然猶瘳瘳即減金液丹一二分增青州白丸子一二分同研如上服兼用異功散羌活膏溫白丸釣藤飲子之類仍頻與粥雖至危者往往死中得生十救八九沈存中論金液丹見小兒吐痢劇氣已絕服之得活者數人須多服方驗

錢豆蔻散

治吐瀉煩渴腹脹小便少

舶上硫黃

錢一

滑石

五分

丁香

荳蔻

各半分

右為細末每服一字至半錢米飲調下無時

張渙勻胃散

治三焦不調停寒膈上乳哺不消胸膈

痞滿甚則喘逆吐利肌體痿黃

甘草

炙一錢

藿香

白荳蔻

人參

各一兩

木香

乾薑

炮

厚朴

薑炙

丁香

各半兩

右為細末一錢水一小盞薑二片煎六分溫服

王氏治吐逆兼吐利不止

丁香

藿香

各一分

木香

一錢

硫黃

半兩別研極細

滑石

二錢研如粉

右為末每服一錢或半錢米飲調下量大小與之如
瀉即用附子一枚重半兩者炮去皮臍為末再用生
薑汁搗成餅子用白麩裹之慢火煨麩熟去麩不用
只用附子切焙再搗羅為末每吐兼瀉即入附子末
少許如藥三之一更量虛實以米飲調下神驗吐如
激水者亦定吐利不止多成慢驚宜速遼之如已成
慢驚兼金液丹與之

助胃膏 治脾胃虛寒吐瀉等證 人參 白朮 白

茯苓

甘草

炙

丁香

各五錢

砂仁

四十箇

木香

三錢

白豆

菟

十四箇

乾山藥

一兩

肉豆菟

四箇

右為末密丸芡實大每服十九米飲化下

身溫瀉黃白似渴為寒熱雜合病錢氏治法在夏秋用
玉露散益黃散相間服在春冬用益黃散大青膏相間
服

補虛四君子湯 治脾氣虛損吐瀉少食 人參 白

木 茯苓 甘草

各等分

右每服二錢薑棗水煎服

六君子湯即四君子加陳皮半夏治脾胃氣虛吐瀉不食肌肉消瘦或肺虛痰嗽喘促惡寒或肝虛驚搐目眩自汗諸證並宜服之以滋化源

錢氏異功散 溫中和氣治吐瀉不思乳食凡小兒虛冷病先與數服以正其氣 人參 茯苓 白木

甘草 陳皮

各等分

一方加木香

右為細末每服二錢水一盞生薑五片棗二枚同煎

海藏云此方四君子湯補脾湯加減法也

愚按前方治脾胃虛弱吐瀉不食或驚搐痰盛或睡而露睛手足指冷或脾肺虛弱咳嗽吐痰或虛熱上攻口舌生瘡弄舌流涎若母有證致兒患此者子母並服之

和劑觀音散

治小兒外感風冷內傷脾胃嘔逆吐瀉

不進乳食久則漸至羸瘦大抵脾虛則瀉胃虛則吐

脾胃俱虛則吐瀉不已此藥大能補養脾胃進美飲

食

石連肉

去心

人參

神麩

炒各三錢

茯苓

二錢

甘草

炙木

香

綿黃耆

炙

白扁豆

炒去皮

白朮

各一錢

右劉散每服二錢水一盞棗一枚藿香三葉煎溫服

溫中丸

治小兒瀉白胃寒故也腹痛腸鳴吐酸水不

思飲食霍亂

吐瀉

人參

白朮

甘草

各等分

右為末薑汁麩糊丸如菜豆大米飲下二三十丸無

時

和中散 和胃止吐瀉定煩渴治腹痛 人參 茯苓

白朮 甘草炙 乾葛 黃耆炙 白扁豆炒 藿香

各等分

右為細末每服三錢水一盞半棗二枚去核生薑五

片煎八分食前溫服

海藏云和中散四君子湯加減法

曾氏和中散附 主久病纒瘡面黃青瘦神昏氣弱脾胃未實食物過傷停飲生痰留滯中脘耗虛真氣或

成吐瀉此藥性味甘平大能調治常服和胃氣進飲

食悅顏色理風痰

人參

去芦

白扁豆

炒去殼

白茯苓

去皮

川芎

縮砂仁

半夏

製香附子

甘草

炙各一兩

肉

豆蔻

訶子

去核各七錢半

右剉每服二錢水一盞薑三片棗一枚煎七分空心

溫服或不拘時

毛彬治胃氣不和吐瀉不止痰逆不食平胃引行諸藥

銀白散

半夏

一兩洗七次焙乾製餅

白扁豆

炒

鴛粟米

人參

白朮

焙

白茯苓

山藥

各四錢

右為細末每服二錢水八分薑二片棗一枚煎六分

溫服

東垣人參安胃散

脾

除濕胃苓湯

治腸胃受濕嘔吐泄瀉

白朮

茯苓

澤瀉

厚朴

豬苓

陳皮

甘草

炒各等分

桂少許

右為末每服二錢薑水燈心陳皮煎湯調下若停食吐瀉小便短少腹脹作痛用此以分利之更用六君

子湯以調補脾胃

治痰半粟散 治小兒脾胃虛寒吐瀉等疾及治寒痰

半夏

湯浸切
焙一兩

陳粟米

三分陳粳
米亦得

右咬咀每服三錢水一大盞半生薑十片同煎至八

分食前溫服

白附丸

痰涎

宿食錢氏云吐瀉乳不化傷食也宜下之馮承務子五
歲吐瀉壯熱不思食飲錢氏見目中黑睛少而白睛多

面色眊白曰此子必多病面色眊白者神怯也黑睛少者腎虛也黑睛屬水本怯而虛故多病也縱長成必肌膚不壯不奈寒暑易虛易實脾胃亦怯更不可縱恣酒慾若不保養不過壯年也面上常無精神光澤者如婦人之失血也今吐利不食壯熱者傷食也又虛怯不可下下之虛入肺則嗽入心則驚入脾則瀉入腎則益虛但宜以消積丸磨化之為微有食也如傷甚則可下不下則成癖也若實食在內亦可下也下畢補脾必愈隨

其虛實無不效者 曾錢氏曰吐乳瀉黃是傷熱乳吐
乳瀉青是傷冷乳皆當下之此迎奪之法也不若傷熱
者用五苓散以導其逆傷冷者用理中湯以溫其中自
然平復 脾經積滯未除再為飲所傷不吐則瀉不瀉
則吐宜以三稜散化積守胃散和中

丹小兒吐瀉黃疸 三稜 蓬木 陳皮 青皮 神
麩 麥芽 黃連 甘草 白朮 茯苓

右為細末生薑燈心湯調服傷乳食吐瀉加山查時

氣吐瀉加滑石發熱加薄荷

消積丸

治小兒吐瀉大便酸臭

丁香

九箇砂仁十二箇

巴豆

二箇烏梅肉

二箇

右為末麩糊丸菜豆大溫水送下

津液少豆蔻散治虛寒而渴

本條

白朮散治虛熱而渴

聖惠治渴不止

筍籜

扁豆藤

各半兩

人參

二兩

右細剉分六服每水一小盞煎五分不時量分稍熱

服

張渙三和散 治吐利津液燥少 白茯苓一兩 烏梅肉

炒乾 乾木瓜

各等分為細末一錢水一小盞煎五分溫時時服

治霍亂煩渴香豆散 藿香 肉豆蔻各一兩 白扁豆

人參各半兩 甘草炙一分

為末每一錢水八分盞薑二片煎四分溫服

丁時發人參散 治虛熱及吐利煩渴疎轉後服 人

參 茯苓 桔梗 乾葛各半兩 生犀角 甘草炙各

分一

右為末每服一錢水一中盞燈心煎五分煩渴入新
竹葉量服

心腹痛聖惠兒冷熱不調乳哺不節使陰陽清濁之氣
相干而變亂腸胃間則成霍亂而心腹痛者冷氣與真
氣相擊或上攻心下攻腹故痛

外臺療霍亂心腹刺痛吐利 茯苓 桔梗 人參

各六分

分

白朮

五分

甘草

炙

厚朴

炙

四分

右切片用水二升煮六合溫服

人參散 治霍亂心腹痛不食 人參 白朮 芎藭

草豆蔻

厚朴

薑炙

當歸

炒

陳皮

去白

丁香

桂心

各一分

右搗羅為散不時薑棗米飲調半錢量服

治霍亂乳食不消腹心滿痛 訶梨勒皮半兩 木香 當

歸炒 白朮

藿香

陳皮

去白各一分

為細末不時薑湯調半錢量服

肉豆蔻散

治霍亂吐瀉腹痛

肉豆蔻

桂心

各一分

人參

去芦

甘草

炙各半兩

右為麤末每服一錢水一小盞薑少許煎五分不時

量兒大小分減溫服

禁忌鄭氏云小兒吐瀉因外傷風冷內傷乳食或兒啼未定氣息未調以乳飼之氣逆於上則停滯胸膈致令嘔吐氣逆於下則傷脾胃致令泄瀉上下氣逆吐瀉俱作凡小兒只吐不瀉者逆其吐必有痰發驚者十無一

生若只瀉不吐或吐瀉俱發者日久不退亦變陰痢治之當暫斷其乳輕者週時重者三日宜頻與稀粥服藥速効十全八九或者不信是言以小兒藉乳為命不肯暫斷然乳固不可斷也殊不知因乳所傷得之者若再以所傷之乳乳之如抱薪救火藥何功之有其間有不斷服藥得安者蓋輕患也亦有因輕致重天橫者多矣活幼心書云小兒吐瀉不止大要節乳徐徐用藥調治必安節者樽節之義一日但三次或五次每以乳時

不可過飽其吐自減及間以稀粥投之亦能和胃屢見
不明此理惟欲進藥以求速効動輒斷乳三四日致餒
甚而胃虛啼聲不已反激他證蓋人以食為命孩非乳
不活豈容全斷其乳然乳即血也血屬陰其性冷吐多
胃弱故節之醫者切須知此乳母亦宜服和氣血調脾
胃等藥愚意不若兒大能食者全斷之待其平復兒小
不能飲食者但節之可也

吐

薛嘔吐皆主脾胃古人謂脾虛則嘔胃虛則吐是也嘔者有聲無物吐者有物無聲若手足指熱喜飲熱湯或睡而露睛皆胃氣虛弱也用異功散若手足指熱飲冷或睡不露睛屬胃經實熱也用瀉黃散若作渴少食或小便色赤胃經虛熱也用七味白朮散大凡嬰兒在乳母尤當節飲食若乳母停食亦能致兒吐瀉故不可不慎也 曾論吐之原難以枚舉有冷吐熱吐積吐傷風嗽吐傷乳吐其吐則同其證有異各述於後 冷吐乳

片不消多吐而少出脉息沉微面白眼慢氣緩神昏額
上汗出此因風寒入胃或食生冷或傷宿乳胃虛不納
而出宜溫胃去風除宿冷用當歸散水煨薑陳皮煎服
或間投冲和飲理中湯及薑橘湯定吐飲如諸藥不効
以參香飲治之 熱吐面赤唇紅吐次少而出多乳片
消而色黃遍體熱甚或因暑氣在胃或食熱物精神不
慢而多煩燥此熱吐也宜解熱毒用大順飲溫熱水空
心調下并五苓散小柴胡湯並加薑汁緩服及香薷散

主之誤服熱藥先投萊菔飲解之次服止吐之劑積
吐眼胞浮面微黃足冷肚熱晝輕夜重兒大者脉沉緩
此宿冷滯脾故吐黃酸水或有清痰脉實而滑為食積
所傷吐酸醜氣或宿食併出小兒者覘乳不化是也先
用五苓散薑汁温湯調下和解次以烏犀丸主之最小
者投三稜散化癖丸傷風嗽吐有熱生風有風生痰
痰結胸中肺氣不順連嗽不止和痰吐出此為嗽吐痰
壅而作乃為實證宜去風化痰先投清肺飲次小柴胡

湯為治若嗽久而肺虛土不生金故面白唇燥乾嗽乾嘔而無痰可溫補為上用茯苓厚朴湯惺惺散如意膏為治傷乳吐繞乳哺後即吐或少停而吐此因乳飲無度脾氣弱不能運化故有此證譬如小器盛物滿則溢治法宜節乳投三稜散此外又有風痰吐乃是傷風不解吐乳夾痰若多時必要生風宜服青州白丸子半夏散疎風下痰之劑皆可服之毒氣吐出巢氏病源挾驚吐張渙三香丹之類疳積吐出本事方

凡霍亂吐不止者伏龍肝細末二錢以蘆稷米炒黃煎湯調下立止或用白扁豆炒過煎湯調下亦好若白扁豆嫩苗更好

寒吐湯小兒寒吐者由乳母當風取涼解脫致令風冷入乳變敗兒若飲之故嘔吐也乳母當食後捏去舊宿敗乳急服理中湯次用釀乳法其候是寒清痰夾乳吐出是也凡有此候服藥不効胃氣將絕藥不能下當服靈砂丸如大便通宜來復丹二藥常用驗 降寒吐之

證面目脹額汗出脉沉遲微寒氣停於胃故胃不納而吐出也噦逆者由胃氣虛甚過服尅伐使清氣不升濁氣不降以致氣不宣通而作也風寒在胃者用理中丸胃氣虛者用六君子湯風涼所致者宜捏去敗乳急服理中丸次服釀乳法若嘔吐清涎夾乳小便清利用大安丸若因乳母食厚味用東垣清胃散若乳母飲醇酒用葛花解酲湯飲燒酒服冷米醋三五杯乳母食生冷而致者用五味異功散乳母停食者母服大安丸子服

異功散乳母勞役者子母俱服補中益氣湯乳母怒動
肝火者用加味道遙散乳母鬱怒傷脾者用歸脾湯乳
母脾虛血弱者用六君芎歸其子亦服三五滴氣血虛
而乳熱者子母俱服八珍散仍參熱吐霍亂治之

世萬安膏 治小兒脾胃虛弱腹生疳蟲癥瘕食積泄

瀉常服消疳去積助胃氣和中疎氣滯 人參 厚

朴薑製 陳皮 青皮 肉桂夏不用 乾薑各一兩 木香

沉香 藿香 甘草各半兩 史君子炮十箇 澤瀉冬不用春

秋減
半用

右為末煉密丸如芡實大食前米飲調下如熱薄荷湯下 一方無木香沉香藿香青皮四君子有白朮蒼朮茯苓豬苓

田朱沉丹

治小兒嘔吐不止

朱砂

二錢半

沉香

二錢 藿

香

三錢 滑石

半兩 丁香

十四粒

右為細末每服半錢用新汲水一盞芝麻油滴成花子抄藥在上須臾墜濾去水却用別水空心送下

定吐紫金核 治小兒一切嘔吐不止 半夏湯洗七次薑製

人參 白朮 木香 丁香 藿香

各二錢半

右為細末稀麩糊為丸如李核大後用沉香一錢為末朱砂一錢水飛二味同研勻為衣陰乾每服一丸用小棗一枚去核納藥在內濕紙裹燒熟嚼與小兒服後以米飲壓之

香銀丸 治吐 丁香 乾葛

各一錢

半夏

湯浸切焙

水銀

各半

兩

右三味同為細末將水銀與藥研勻生薑汁丸如麻子大每服一二丸至五七丸煎金銀花湯下無時
本事白朮散 治小兒嘔吐脉遲細有寒 白朮 人

參 半夏 麴 各二錢 茯苓 乾薑 甘草 各一錢

右為末每服二錢水一盞薑三片棗一枚煎七分去
查溫服日二三 一方無半夏麴有木香藿香

薑橘湯 治脾慢胃冷嘔吐不止 白薑 二錢炮 陳橘皮

去白粉草 灸三錢

右件剉焙為末每服半錢或一錢用溫棗湯調化空心少與緩服

定吐飲

治吐逆投諸藥不止用此神效

半夏

湯洗七遍

焙乾剉如菘豆大
篩去細末二兩

生薑

乾淨和皮二兩

薄桂

去麁皮剉三錢

右生薑切作小方塊菘豆大同前半夏和勻八小錯內慢火順手炒令香熟帶乾方下桂再炒勻微有香氣以皮紙攤盛地上出火毒候冷略播去黑焦末每服二錢水一盞薑三片煎七分稍空心少與緩服

參香飲 治胃虛作吐投諸藥不止 人參去芦 沉香

丁香

藿香

和

南木香

各二錢半

右剉每服二錢水一盞煎七分去渣臨入薑汁少許

作三次空心溫服

熱吐小兒秋夏伏暑多有熱吐其吐黃涎頭額溫五心
熱小便或赤而少乃熱吐也或乾嘔而無物宜香薷飲
薛小兒熱吐者因多食甘甜炙煖之物或乳母膏粱
厚味胃經積熱或夏間暑氣內伏於胃所致若肌肉腠

動煩熱作渴者暑傷胃氣也先用香薷散次用竹茹湯
若吐乳色黃不能受納者胃經有熱也先用瀉黃散次
用人參安胃散若吐出酸穢者乳食內停也用保和丸
吐乳不消者胃氣弱也用異功散吐而少食腹痛欲按
者脾氣虛也用六君子加木香凡諸證當驗其手指熱
則胃熱冷則胃寒熱用瀉黃散寒用理中湯不熱不寒
異功散調之

錢氏玉露散

方見
吐瀉

香薷散 治寒溫不適飲食失調或外因風寒暑邪致

吐利心腹疼痛霍亂氣逆發熱頭痛或轉筋拘急或

疼痛嘔噦四肢逆冷 香薷一兩 茯苓 白扁豆炒厚

朴薑汁製
各五錢

右每服二三錢水煎加酒半杯冷服立効

竹茹湯 治胃受邪熱心煩喜冷嘔吐不止 葛根七錢

半夏半兩 甘草三錢

右每服二三錢入竹茹棗許大薑水煎取清汁微冷

細細服加茯苓三錢尤妙

錢氏藿香散

治脾胃虛有熱面赤嘔吐涎嗽及轉過

度者宜服

麥門冬

去心焙

半夏麩

炒

甘草

炙各半兩

藿香

一兩用葉石膏半兩

右為末每服五分至一錢水一盞半煎七分食前溫

服

本事麥門冬散 治小兒嘔吐脉數有熱 麥門冬

半夏 人參

茯苓

各二錢

甘草

一錢

右為末每服二錢水一盞薑三片煎至五分去渣溫
服日二三服

湯氏清膈飲子 治小兒伏暑嘔吐 香薷 淡竹葉

各一兩 白茯苓 人參 半夏 檀香 甘草 各半兩

白粳米 合

右咬咀薑煎溫服大小加減

聖惠麥門冬散 治嘔吐不止心神煩熱 麥門冬 焙

淡竹茹 各半兩 甘草 炙 人參 茅根 陳皮 去白焙各一分

右為麤末每服一錢水一小盞薑少許煎五分稍熱
頻服量大小加減

治嘔吐心煩熱蘆根粥

生蘆根

二兩

粟米

一合

右用水二大盞煎至一半去滓投米作粥薑蜜少許
食

大順飲

解胃暑毒煩渴吐瀉腹痛發熱神昏或衄血

路血及大腑下血小便黃少口乾汗多

細麩

二十兩

生薑

十六兩

赤茯苓

去皮

粉草

各五兩

右先以生薑方切如菜豆樣石鉢內杵爛入麩再杵
勻攤作薄片烈日中曝乾赤茯苓粉草二味細剉同
前薑麩片或曬或焙合研為末每服二錢新汲井水
無時調服或溫熟湯

綠豆飲 解誤服劑熱之毒煩躁悶亂或作吐或狂渴
宜先投下次服對證藥劑 綠豆粉一兩 黃連 乾

葛 甘草

各半兩

右除綠豆粉外餘三味共為細末入乳鉢同綠豆粉

杵勻每服半錢至一錢溫豉湯調下

益元散 治熱吐面赤氣麤小水短少傷暑作吐尤佳

滑石 六錢 甘草 一錢

右為細末薑汁調燈心湯下吐甚者井花水下

濟生竹茹湯 治熱吐口渴煩躁 橘紅 乾葛 甘

草 麥門冬 竹茹 生薑

右水煎服 熱甚者加薑連

積吐烏犀丸 主諸積滯夾驚夾風溫胃調脾消進飲

食吐逆醋醱氣面黃肌瘦不拘孩兒生後歲月遠近

並宜可投

烏犀

即皂莢剉三寸長皮灰火中見青煙起為度取出地上丸益蓋定存

性冷用
七錢

硫黃

白薑

各三錢半

陳皮

去白川烏

炮去皮臍
各五錢

巴豆

七十七粒去
殼膜心存油

右硫黃一味先入碾內研細除巴豆外餘四味同焙

為末仍以巴豆薄切在乳鉢內細杵再同前五味藥

末杵勻用粳大米飯包作粽子一大箇小瓦瓶盛水

熟煮候冷取出沙鉢內爛杵細布兜緊捻出如稠糊

安在別器內以藥末亭分同杵細軟丸粟殼大取諸積每服十五丸或五丸或二十一丸至三十三丸並用淡薑湯泡冷飯取汁一小盞五更初空心送下通利三五行以勻氣散止補治積吐有醋醜氣每服三丸至五丸用淡薑湯入米醋少許候溫空心投下

傷風嗽吐茯苓厚朴湯 主傷寒傷風夾痰嘔逆并吐

瀉後喉涎牽響飲食減少脾胃氣虛 白茯苓去皮半

夏

湯煮透濾仍剉焙乾各七錢半

甘草

三錢

厚朴

五錢去麤皮剉碎每斤用生薑

一斤切薄片杵爛拌勻
浸一宿慢火炒乾用

右件咬咀每服二錢水一盞半薑三片煎七分無時
服或加棗一枚去核同煎

傷乳吐乳下嬰兒乳哺太過或兒睡著而更銜乳豈有
厭足以致脾不能運胃不能受滿而溢致令嘔吐長此
不已遂致慢驚可不慎乎此候但令節乳為上甚者宜
暫斷乳先令乳母服調氣之劑兒服消乳丸化乳消食
為上若吐口角自出即是乳多不能消化滿溢之證非

病也不可妄投它治吐藥 凡吐乳直出而不停留者
謂之覘乳但以炒麥芽三錢橘紅一錢丁香三分水煎
服之立止

消乳丸 溫中快膈止嘔吐消乳食脉沉者傷食不化

故也

香附子

炒二兩

甘草

炙

陳皮

去白各半兩

縮砂仁

神麩

炒各一兩

麥蘖

炒各一兩

右為末泡雪糕圓如黍米大七歲以上菜豆大三十

丸食後薑湯下

消食丸 治小兒乳哺飲食取冷過度冷氣積於脾胃
胃為水穀之海脾氣磨而消之胃氣消和則乳哺消
化脾傷於冷則宿食不消此藥寬中快氣消乳食正

顏色

縮砂仁

橘皮

三稜

煨

蓬朮

煨

神麩

炒麥

藥

炒各

半兩香附子

炒一兩

右為末麩糊丸菜豆大食後紫蘇湯下二十九

又方 治百晬內嘔吐乳奶或大便青色 用少婦乳

汁一盞入丁香十粒陳皮一錢磁器內煮數沸稍熱

空心以綿韋吮服

風痰吐青州白丸子 治一切風痰小兒驚風 天南

星 生 白附子

生各三兩

川烏頭

去臍尖皮生五錢

半夏

去皮生七兩

右以井花水浸次日早再換新水春五日夏三日秋

七日冬十日曬乾為細末以糯米粉煎粥清為圓如

菘豆大小兒驚風薄荷湯調下和蘇合香圓服名蘇

青圓

半夏散 治小兒胃虛嘔吐水穀不化 半夏一兩泡七次

陳糯米

三錢

右劉散薑五片棗一枚同煎

錢氏鐵粉丸

治延盛潮搐吐逆

水銀

砂子二錢

朱砂一分

鐵粉

天南星

炮去皮臍取末各一分

輕粉

二分

右同研水銀星散盡為度薑汁糊丸如粟米大煎生

薑湯下十五丸至二三十九丸無時

茯苓半夏湯

治諸嘔噦心下堅痞膈間有痰水眩悸

半夏

湯泡五錢

白茯苓

二兩去皮

右劉散每服三錢水一盞生薑三片煎去滓熱服不
拘時

二

湯 治痰飲為患或嘔吐惡心或頭眩心悸或中脘

不快或發為寒熱或因食生冷脾胃不和 半夏湯洗

七橘紅各五錢

白茯苓三錢甘草一錢

右劉散每服三錢水一盞薑三片烏梅一箇同煎

白附飲 治肝風尅脾土痰涎壅盛和飲食吐出蓋風

能生痰壅其食故吐出 白附子 南星生用 半夏

生川烏去皮臍 天麻明亮 陳皮去白 南木香 全蠍

用生用 去尾 僵蠶去綠 丁香各二錢

右件對每服二錢水一盞半薑三片慢火煎七分作

五次空心服

溫服

毒氣吐巢氏云春夏以湯 兒腸胃脆弱不勝藥勢遂

吐下不止藥熏臟腑煩懊頓之為中毒氣吐下

千金藿香湯 治毒氣吐下腹脹逆害乳哺 藿香一兩

生薑三兩 青竹茹 甘草各半兩 熱加升麻半兩

右吹咀水二升煮入合服一合日二

王氏消妳毒令兒吃乳無毒有毒亦解

升麻

兩半

大麻

子

破一合

右二味酒浸每日早晨與妳子一盞喫了要乳時須

先捏去些小方與兒喫

挾驚吐張渙三香丹

治挾驚嘔吐不止

藿香葉

丁香

各一兩

半夏

湯洗七遍焙乾半兩三味為末次入

膩粉

一分龍腦

麝香

當門子各一錢並研

右件同拌勻生薑取汁打白麩糊為丸黍米大每服
十粒人參薄荷湯下量兒大小加減

殊聖歸命丹 歌曰小兒驚隔吐還頻晝夜連連不暫

停淥水槐黃泔淀汁和蟲乳食一時噴丁香研共生

犀服五膽牛膽立有勳若有還逢如此藥直饒命困

却還魂 丁香 藿香 各一分 生犀 末 牛黃 各半錢 豬鯽

狗蝟熊膽 等分共半兩
多些無効

右為末丸如菘豆大量兒大小加減一歲以下煎苦

棟湯研二九

治驚食胃管不快吐逆乳食或心胸發熱定吐九 丁

香

二十一
枚為末

蝎梢

四十
九條

半夏

三箇洗焙
乾為末

右研勻煮棗肉丸如黍米大每服七丸至十九金銀煎湯吞下如傷暑霍亂吐瀉煎香薷散送下

良方治久患翻胃及小兒驚吐諸吐田季散 上好硫黃半兩水銀一分研如黑蝶色每服三錢生薑四兩取汁酒一盞同薑汁煎熟調藥空心服衣被蓋覆當

自足指間汗出逆漉遍身汗徹即差此散極浮難調
須先滴少水以指緩緩研殺稍稍增湯使令調和否
則浮泛不可服

王氏睡驚丸 治熱化痰鎮心神治驚風吐逆 半夏

薑製乳香 犀角 末各
一錢

右件同為末用生薑自然汁煮麩糊為丸如菉豆大
薄荷湯臨卧服

丹萬安膏 調脾順氣定驚脾胃不足吐乳黃疸治小

兒一切等疾

木香 檀香

辰砂 各三錢

沉香 二錢

附黃耆

史君子 各一兩

檳榔

肉豆蔻

人參

天竺黃

各半兩

白朮

薄荷

甘草

各二兩

琥珀

真珠

青黛

犀角

各二錢半

麝香

五分

右為末煉蜜丸臨卧服薄荷汁或蜜水米飲化下

全蠍觀音散

治吐瀉截風定志庶免傳變慢驚

黃

耆 灸

人參

各二錢半

木香

炙甘草

蓮肉

扁豆

炒

茯苓

白芷

全蠍

羌活

防風

天麻

各二錢

右每服三五錢薑棗煎服

疳積吐本事方治小兒疳積黃瘦吐食 川烏錢一定粉

三錢艾灰二錢龍骨二錢

右為末滴水丸如龍眼核大捏作餅子每服一餅米飲磨下

補虛安胃六神湯 脾胃虛吐瀉不進飲食 黃耆

扁豆 人參 白朮 茯苓 炙甘草 藿香各等

分每服三四錢薑棗煎服

和劑觀音散

吐瀉

人參散 治小兒臟腑冷若纔喫乳食即又吐出或因
喫乳驚觸致作驚腑之狀令小兒外證面唇青白手
足心熱口多清涎吐逆不住或作瀉候青黃紫白兼
凍子或如鼻涕雞子清者或乳食不化並宜服之常
服開胃益乳食 人參 白朮 茯苓 沉香 白
芍藥 甘草 各半兩

右為細末以密器收之遇小兒有前項形證半歲一

字二三歲半錢大者一錢煎棗子米飲調下或陳紫蘇湯亦可或吐瀉并作煎丁香湯下陳皮湯尤妙

雜方經驗方治小兒吐不定用五倍子二箇一生一熟甘草一握濕紙裹炮過同搗為末每服米泔調下半錢七瘥

掌中金 治小兒喫物喫乳即吐下水乳不得飲食

白豆蔻

十四箇

甘草

一兩半炙半生

砂仁

十四箇

右為末遂旋安掌中與他乾噉牙兒乾糝口中亦可

釀乳法 治初生嬰兒凡有胎熱證當令乳母服藥不

可求效之速治法當釀乳令兒喫漸次解之百無一

失若遽以冷藥攻之必損脾胃加以嘔吐必成小患

澤瀉

二兩半

豬苓

去黑皮

赤茯苓

天花粉

各一兩半

乾

生地黄

二兩

山茵陳

用葉

甘草

各一兩

右剉散每服五錢水一盞煎六分食後捏去舊乳却

服

錢吐沫及痰或白綠水皆胃虛冷 吐稠涎及血皆肺

熱吐水不止者屬心痛胃冷吐水心痛者蟲痛
口中吐沫水者後必蟲痛面晄白無精光口中氣冷
不思食吐水當補脾益黃散主之丹冬月吐蚘多是
胃虛寒而蟲作吐用錢氏白朮散加丁香二粒亦可
用理中湯去甘草加烏梅肉川椒

證治準繩卷八十九